

فريق التفريغ بموقع الطريق إلى الله

يقدم

**مستنى إيه ؟!**

(باللهجة المصرية)

لفضيلة الشيخ : الدكتور / حازم شومان

رابط المادة : <http://www.way2allah.com/modules.php?name=Khotab&op=Details&khid=99>

السلام عليكم ورحمة الله وبركاته إن الحمد لله نحمده ونستعينه به ونستغفره ونستغفره ، ونعوذ بالله من شرور أنفسنا ومن سيئات أعمالنا ، إنه من يهديه الله فلا مضل له ومن يضلل فلن تجدله هادياً مرشداً ، وصلاة وسلام على سيد الخلق أجمعين سيدنا محمد عليه أفضل الصلوات من رب العالمين إلى يوم الدين ، ثم أما بعد

### قصة توبة الفضيل بن عياض رحمه الله

فمن أعجب قصص السلف ، من أعجب القصص في حياة السلف قصة توبة الفضيل بن عياض رحمه الله ، الفضيل بن عياض إمام من أئمة المسلمين هل تتصورون أنه كان سارقاً؟! حد يتصور يا جماعة إن هذا الأمام العظيم كان سارق؟! طب تاب إزاي؟! امال إزاي تاب وعاد إلى الله وبقي إمام من أئمة المسلمين؟ في ليلة من ذات الليالي وهو ييقفز من على صور بيت من البيوت عشان يتزل يسرق هذا البيت ، وبينما هو يقفز إذ سمع رجل يقوم الليل وهو يقرأ قول الله **"أَلَمْ يَأْنِ لِلَّذِينَ آمَنُوا أَنْ تَخْشَعَ قُلُوبُهُمْ لِذِكْرِ اللَّهِ وَمَا نَزَلَ مِنَ الْحَقِّ"** أول ما الفضيل سمع هذه الكلمات وقعت في قلبه وفوراً مش بعد خمسين درس قرر إنه يتوب في لحظتها وظل يردد **"بل أن يارب ، أن يارب ، أن يارب"**

أنا بحكى القصة دي في الأول ليه؟ عشان أسألك وأسألك في أول الدرس ده وانت آن ولا لسه مأنش؟ جه المعاد ولا لسه ما جاش؟ آن أم لم يأن؟ يا جماعة كل واحد فينا لازم يسأل نفسه دلوقتي : انت مستنى إيه؟! مستنى إيه عشان تتوب بس توبه بحق وحقى توبة راجل؟! ، مستنى إيه عشان تنطلق إلى الله؟! **أنا بكلم مين؟**

أنا بكلم اللي نايم لسه نايم لغاية دلوقتي وقطار التوبة ممكن ينطلق في أى لحظة ، ممكن قطار الإنطلاق إلى الله يفوته ، ممكن قطار التوبة يفوته ، ممكن قطار الجنة يفوته ، بكلم اللي واقف يتفرج علينا تخيلوا يا جماعة إن فيه ناس ممكن يبقوا معانا ومن زمان ، ويبجوا يسمعوا ويتفرجوا ويخرجوا تانى ، يعنى بيقوموا بدور المتفرج ببراعة ، بكلم مين تانى؟ بكلم اللي حط رجل جو القطر ورجل بره ، فيه حاجات سبها بس في حاجات لسه مسبهاش ، فيه حاجات عملها وتقدم فيها إلى الله بس فيه حاجات لسه معملهاش ، لسه مش قادر يأخذ قرار إن يبقى كله جوه هذا القطار المنطلق إلى الله سبحانه وتعالى ، بكلمه وبفكره إن القطار ده منطلق إلى مين؟ ده منطلق إلى الله ، يبقى خايف ليه؟ حد يخاف إن هو يركب في حاجة منطلقة إلى الله سبحانه وتعالى بكلم مين يا جماعة؟ بكلم اللي ركب ودخل بس أعد على الكرسي ونام يا جماعة داخل هذا القطار ، مافيش أعدده ، قوم مافيش أعدده ، جوه فيه شغل وعمل ، اللي دخل الإلتزام بس لسه نايم ، لسه مايبعملش حاجة مؤثرة وفعاله يفيد بها دينه ويربى بها نفسه

بكلم الشباب اللي مستنى كأس العالم ، واللى مستنى إن هو يدخل الكلية بكرة عشان يعيش ، واللى مستنى ينجح عشان يتقدم لها ويتزوجها ويعيش ، واللى مستنى يأخذ الشهادة عشان يسافر برده يشتغل ويعيش بكلم كل دول ويقول لهم لو انتم مش مستنين حاجة ، فى حاجة مستنياكم كلكم ، ملك الموت مستنى اللي مهواش مستنى حاجة يا جماعة ، مستنى إيه ؟ كفانا غفلة يا جماعة والله ، مستنى إيه عشان تتوب ؟!

**مستنى إيه !**

صحبك ودفنته بإيديك ، الزلزال والإعصار وشفتهم بعينيك ، مستنى إنك انت إيد تتقطع ، ولا رجل تطير ؟! مستنى إنك انت قمرض ، إن صحبك يموت إن انت نفسك تموت ، إنك تعمل حادثة وتنام ٦ شهور فى السرير مستنى إنك انت تكبر وتتجوز وتخلف ويطلعك كرش وتروح كل يوم بيتك ببطيخة وجرنال

**مستنى إيه عشان تعمل لدين الله ؟**

إن الدين يتفتت أكثر ما هو متفتت دلوقتى ، أنا عاوز واحد بس فى المسجد دلوقتى يطلع هنا هو ، وقول لى إيه الحاجة اللي هوا مستنيها عشان يتوب ويفوق وينطلق إلى الله ولسه ما حصلتش ؟ لو كل اللي حصل ده مافوقكش يبقى مافيش حاجة هتفوقك ، إيه اللي هيفوقك ؟!

لو الزلزال بتاع تسونامى وإعصار كترينا وزلزال القاهرة من قبرهم وسقوط المقطم ، لو كل ده ما فوقكش يبقى مش هيفوقك غير زلزال يوم القيامة أو ضربة من مطرقة من ملك من الملائكة فى القبر أو ضمة القبر اللي بتختلف فيها الأضلاع

لو البيت اللي وقع فوق أربع عرائس موتم فى لحظة ، والحادثة اللي حصلت لأثنين من أصحابك موتهم فى ثانية لو كل ده هو ، والحريقة اللي حصلت فى المسرح وفى السينما ، **لو كل ده ومفوقكش يبقى مش هيفوئك غير ملك الموت وهو داخل يقبض روحك**

لو واحده داعرة عاهرة كافرة عارضة أزياء لما لبست فستان وكتبت عليه آيات من القرآن وأخذت تعرض الأزياء به وكل الحرمات بتاعت دين الله اللي بتنتهك فى الأرض مفوقكش ! يبقى مش هتفوق غير وانت على الحوض بتترد واللى بيتدرك هو رسول الله صلى الله عليه وسلم الرسول بنفسه بيقول لك : " **سحقاً سحقاً** "

**لو حسيت...هتفوق**

مستنى إيه ! إيه اللي انت مستنيه كفانا غفلة يا جماعة ، كفانا غفلة ، كل واحد مننا لوحس بالأحداث اللي حواليه وهو مش شيفها هيفوق والله ، لو حسيت إن فى شياطين أعده تترصد لك فى أربعة وعشرين ساعة ، **لو حسيت إن فى قرين لك شيطان قرين مهمته إنه متخصص عشان يضللك أو يضللك** ، متخصص لينا يعنى ! كل واحد له قرين ، لو حسيت إن فى ملكين يكتبوا عليك كل أعمالك أربعة وعشرين ساعة ، لو حسيت إن كل أعمالك متسجلة صوت وصورة ، ده أعظم رؤساء الجمهوريات فى العالم لما بيتصور لهم صوت وصورة بيتصور لهم ٦ ، ٧ ساعات فى اليوم ، **انت بالحركة والسكنة أربعة وعشرين ساعة ويوم القيامة مستنيك سائق وشهيد**

لو حسيت بكل الواقع اللي حواليك ده هو هتعرف فعلاً إن كفانا غفلة ، كفانا إن إحنا مابنعلمش حساب اللحظة اللي هندخل فيها دورنا ، مابنعلمش حساب اللحظة اللي إحنا هنعرض فيها على الله سبحانه وتعالى !

لما رسول الله صلى الله عليه وسلم كلمنا عن قاتل المائة الرجل اللي قتل مئة نفس ، لما راح لواحد عالم بيقول له أنا عايز أتوب قال له "ومن يحول بينك وبين التوبة؟" قال له طب أتوب إزاي؟ قال له كلمتين ، هما دول موضوع درس الليلة ، قال له : "اترك أرضك فإنها أرض سوء وإنطلق إلى أرض كذا فإنها فيها قوم يعبدون الله" اترك وإنطلق ، سيب واشتغل ، سيب وإنطلق ، هما دول الكلمتان اللي عاوزين نتكلم حواليهن الليلة ، هما دول الكلمتان اللي هندور حواليهن الليلة سيب واشتغل وإنطلق إلى الله سبحانه وتعالى

### مستنى إيه من وراء المعصية ؟

متوقع إيه من وراء المعاصى اللي انت لسه ماتبتش منها ؟ متوقع إن فيه معصية عملتها في حياتك وماتبتش منها وهتعدى عقبتها في الدنيا وفي الآخرة؟! مش ممكن يا جماعة ، أى واحد عاصى ومستمر على المعصية مستنى حاجة من ٣ حاجات ملهاش رابع ، ملهاش رابع إلا أن يشاء الله سبحانه وتعالى

أول حاجة مستنيها : عقوبة هذه المعاصى في الدنيا "العقوبة الدنياوية للمعصية"

طيب والحاجة الثانية اللي مستنيها : موت الفجأة إنه يموت وهو لسه صغير ، ولو مات فجأه هو على معصية في الغالب هتبقى مودة سوء والعياذ بالله... خاتمة سوء

طاب لو مامتش وعاش ، لو مامتش وعاش مستنى الخزي في الآخرة "والعقوبة الآخراوية" ثلاث حاجات لا يوجد لها رابع أى إنسان مقيم على معصية الله مستنى حاجة من الثلاثة دول

### ١. عقوبة الآخرة

أول حاجة مستنيها عقوبة الآخرة ، إحنا عاوزين نبدأ بالآخرة ليه ؟ عاوزين نرسخ الآخرة في قلوبنا ، عاوزين نعيش مع الآخرة ، الشهوات المتكالبه على الشباب في هذه الأيام ملهاش حل غير إنك انت فعلاً تحط قدام عينك ليل نهار "الجنة والنار" وعظمة ربنا من قبل ، عشان تقدر إنك انت تقاومها ، هذا الطوفان اللي عايز يختطفك ويختطف قلبك ، العقوبة الآخراوية... ده أحد السلف كان بيقول كلمة غريبة جداً كان بعد الفجر يشهق ويبكى ثم يقول "والله لو كان هولااااااااااا لو كان هولاً واحداً لكفى ، ولكنها أهوال كثيرة"

لو كان يوم القيامة ده حاجة واحدة كانت بقت كفاية ، أصل يوم القيامة ده لو كان زلزلة بس كان بقى كفايا والله ، ربنا يا جماعة بيقول "إِذَا زُلْزِلَتِ الْأَرْضُ زِلْزَالَهَا" الزلزلة: ١... "إِذَا زُلْزِلَتِ الْأَرْضُ" خذ كلام القراءان كلمة كلمة عشان تحس بخطورة كل كلمة ، ده لما زلزلة حته من البحر... حته من الأرض اتخسف بها وقالوا هنعمل خريطة ثانية للأرض... ده لما زلزلة حته من بلد بس أربعين ألف واحد ماتوا في لحظة ، لما زلزلة حته في مكان تاني في السبعينيات ٢ مليون ماتوا في لحظة تخيل لما تزلزل الأرض كلها ، لما تزلزلت البحار تسونامى ده مايحيش واحد على مليون من اللي هيحصل يومها لما تزلزل الجبال وتندك على البشر ، لما تزلزل القارات الستة كلها ، تخيل "إِذَا زُلْزِلَتِ الْأَرْضُ" هيحصل إيه يومها ؟ وياريتها كانت زلزال بس ، لو الزلزلة كانت كفت ، ولو الصراط كان كفى ، الصراط تحتك جهنم والعياذ بالله ، ربنا يعافينا طاب وفوقك إيه؟! اللي بيبقى فوق الناس يوم القيامة الشمس على بعد ميل ، منورة لهم ؟ لا... حرارة بدون نور ، يعنى من فوقك نار ومن تحتك نار ، وظلمات تامة وقمة الحرارة التي لم تحس بها من قبل والعري ، والمطلوب إنك انت تعدى في هذا الموقف

يعنى لما تتدبر كدة ... تحس إن يوم القيامة ده مافيش فرق بينه وبين جهنم والعياذ بالله إلا حل واحد بس ، الحل

الوحيد يوم القيامة وسط الأهوال ده هي حل واحد بس عارفين هو إيه ؟ ظل عرش الله

لا يوجد حل يوم القيامة للنجاة من كل هذه الأهوال إلا ظل عرش الله اللى بيرى يوم القيامة ، اللى بيرى أهوال الآخرة بس فى الرؤيا بتاعته بيتوب إلى الله ، يعنى أحد الناس كان شاف إن هو يوم القيامة قام ، وفى نار بتتطاير على أجساد الناس ، وهو بيصرخ ويحاول يهرب منها ، وقبل أن يستيقظ بلحظة بعض النار تطايرت على رجليه أخذ يصرخ ويصرخ وصحى وهو بيصرخ ، ويقول وجدت على رجلى آثار دراهم كأنها مواضع حروق نفس المكان اللى وقع فيها قطع النار على رجلى فيها فى الرؤيا ، سبحان الله ! وتاب إلى الله ده مجرد إن هو شاف فى الرؤيا بس ابن عمر لما شاف النار فى الرؤيا تحول إلى عابد ، قوام لله سبحانه وتعالى ، لم يترك القيام طوال حياته أبداً ، إمال اللى بيشفها فى الحقيقة؟!

يوم القيامة يقول الله سبحانه وتعالى "إِنَّ الَّذِينَ كَفَرُوا يُنَادُونَ لَمَقْتُ اللَّهِ أَكْبَرُ مِنْ مَقْتِكُمْ أَنْفُسَكُمْ إِذْ تُدْعَوْنَ إِلَى الْإِيمَانِ فَتَكْفُرُونَ" ... "لَمَقْتُ اللَّهِ أَكْبَرُ مِنْ مَقْتِكُمْ" غافر: ١٠ يعنى إيه ؟ يعنى ربنا بيكرهكم أكثر ما بتكرهوا نفسكم ، يعنى إيه ؟ يعنى يوم ما العاصي بيشف عذاب جهنم يوم القيامة بيكره نفسه ، بيكره نفسه اللى ودته فى داهية من شدة ما بيشف العذاب بيكره نفسه اللى أوردته هذه المهالك

خنجر وسكينة... احذر

مستنى إيه ! مستنى إيه غير ده ؟!! مستنى إيه ؟!! غير عقوبة الذنوب فى الدنيا ، هو فى واحد ممكن يذنب ولا يعاقب فى الدنيا قبل الآخرة ؟! مافيش الكلام ده يا جماعة ، كان الربيع بن الخزيمى عندما يقوم الليل يقعد يبكى فأمه لما تسمع بكائه تقول له : "يا ربيع ، يا ربيع أقتلت قتيلاً ؟!" انت يا ابنى قتلت قتيل يا ابنى ؟ ، فيقول لها : "بلى يا أمه قتلت نفسى" ... كل اغنية سمعتها خنجر سكينة فى نفسى ، كل بصة بصتها خنجر وسكينة فى نفسى ، كل برنامج اتفرجت عليه عليه خنجر وسكينة فى نفسى ، كل موقف فتنة وقعت فيه خنجر وسكينة فى نفسى ، بلى قتلت نفسى ... لأن فيه ناس مش مصدقة ! فيه ناس مش مصدقة إن ربنا هيحسبها بكل ذنب عملته قدرة الله وعظمته على إهلاك من يعصيه

ربنا فى أول سورة الطور أقسم خمس أقسام على حاجة واحدة بس "وَالطُّورِ \* وَكِتَابٍ مَسْطُورٍ \* فِي رَقٍّ مَنشُورٍ \* وَالْبَيْتِ الْمَعْمُورِ \* وَالسَّقْفِ الْمَرْفُوعِ \* وَالْبَحْرِ الْمَسْجُورِ" الطور: ٦ يا رب بتقسم بكل ده على إيه ؟ "إِنَّ عَذَابَ رَبِّكَ لَوَاقِعٌ" الطور: ٧ عذاب ربنا واقع ، "وَالطُّورِ" الجبل اللى ربنا رفعه على بنى إسرائيل وهو بيأخذ عليهم العهد والميثاق ، ليه ؟ عشان كأنه يقول لهم إن أنا أقدر أحسف بيكم الجبل ده لو عصتوني لو خلفتوا أمرى ، ربنا سبحانه وتعالى ، يا جماعة شوية مية كانوا هما تسونامى ، شوية هواء كانوا هما كاترينا ، أمريكا خسرت فى لحظات مائة وخمسين مليار دولار ، خسائر أموال غير الأرواح تبص على الشاشات تلاقى الجثث عائمة على المية ، والجثث عائمة على الشواطئ ، سبحان ربى ! والآلاف مؤلفة من الجثث لسه ما يعرفوش عنها حاجة ، يقول لك نيو أوريلانس بلد من البلاد اللى أصابها الإعصار قدامها مائة سنة عقبال لما يقدر إن بشر يسكنها ، يقول لك قوة الإعصار كانت قوة قبلة نووية ، القنابل النووية اللى بيهددونا بيها ربنا بالهواء أورثهم هذه العاقبة ، ربنا سبحانه

وتعالى يقول في القرآن **"وَأَنَّهُ أَهْلَكَ عَادًا الْأُولَى"** النجم: ٥٠ وإحنا قلنا ساعت لما كنا بنعلق على هذه الآية إن عاد الثانية هي أمريكا ، حد يعرف ربنا أهلك عاد الأولى بيايه ؟ بريح ، **"بَرِيحٍ صَرْصَرٍ"** الحاقة: ٦ هواء برضه ، أصل اللي بيتكبر على ربنا ربنا ما بيعاقبهوش بحاجة جامدة ... بالهواء عشان يعرفه إن هو حتى النفخة ما يستحملهاش من ربنا سبحانه وتعالى ... إعصار أمريكا

البترول في أمريكا صفيين عربيات تلاقيهم في الصورة واقفين قدام البترينة مافيش بترين ، البترول نفسه إضرب في أمريكا الذل اللي ذاقوه ، يقول لك أمريكا أعلنت رسمياً طلب المساعدات من جميع دول العالم غني وفقير ، الواحد افتكر أيام روسيا لما وقعت والله يا جماعة ... أيام الإتحاد السوفيتي ، لما كانوا دولة عظمى تاني يوم في الأخبار بتاعت الساعة ٩ كنت تنفرج عليهم تلاقيهم بيلموا من الزبالة ، أول لما الإمبراطورية بتاعتهم سقطت تذكر قول الله **"فَلَمَّا نَسُوا مَا ذُكِّرُوا بِهِ فَتَحْنَا عَلَيْهِمْ أَبْوَابَ كُلِّ شَيْءٍ"** خذوا كل حاجة خذوا اقتصاد ، وخذوا قوة عسكرية ، وخذوا ثروة زراعية ، خذوا كل حاجة **"فَلَمَّا نَسُوا مَا ذُكِّرُوا بِهِ فَتَحْنَا عَلَيْهِمْ أَبْوَابَ كُلِّ شَيْءٍ حَتَّى إِذَا فَرِحُوا بِمَا أُوتُوا أَخَذْنَاهُمْ بَغْتَةً فَإِذَا هُمْ مُبْلِسُونَ \* فَقَطَّعَ دَابِرَ الْقَوْمِ الَّذِينَ ظَلَمُوا وَالْحَمْدُ لِلَّهِ رَبِّ الْعَالَمِينَ"** الأنعام: ٤٤: ٤٥ خسائر الرعب عشر ولايات معلنة إن هي ولايات طوارئ ... تحت الطوارئ ممكن يجي فيها هذا الإعصار في لحظة **الكون كله تحت أمر الله**

الرعب اللي ذاقته أمريكا بيعلمنا إيه يا جماعة ؟ بيعلمنا عبودية الكون لله ، بيعلمنا إن الكون كل تحت أمر الله سبحانه وتعالى بيعلمنا إن الملك لما قال للأرض ابلعي مائك بلعت مائها لما الملك قال للسماء اقلعي أقلعت لما الملك قال للسموات والأرض **"إِنِّي طَوْعًا أَوْ كَرْهًا قَالَتَا أَتَيْنَا طَائِعِينَ"** فصلت: ١١ لما الملك قال للتراب كون ءادم بقي ءادم لما الملك قال للنار **"كُونِي بَرْدًا وَسَلَامًا عَلَىٰ إِبْرَاهِيمَ"** الأنبياء: ٦٩ بقت برد وسلام على إبراهيم ، عشان تعرف إنك طول ما انت مع الله متخفش أبداً ، طول ما انت مع الله تبقى إنسان مطمئن ، ليه ؟ لأن الدنيا دي كلها جنود من جنود الله سبحانه وتعالى ، ليه موسى ماكنش خايف من البحر وهو قدامه ؟ جندي من جنود الله ، ليه سيدنا إبراهيم ماكنش خايف من النار وهو هيرمي فيها ؟ جندي من جنود الله ، ليه سيدنا يوشع بن نون وقف قدام الشمس في البخارى وقال لها **"انت مأمورة وأنا مأمور ، اللهم احبسها علينا"** أقفى في مكانك فوقفت ياذن الله سبحانه وتعالى ، ليه ؟ لأنه واثق إنها جندي من جنود الله **الكون يعرفك ؟**

لما كنت بتدبر في حديث **"اسق حديقة فلان"** صحيح السحابة وهي ماشية صدر لها أمر **"اسق حديقة فلان"** وجهت سكتها وراحت حديقة فلان ، أنا قلت يا رب فلان ده مين ؟! هي السحابة تعرف فلان وعلان ؟! اه تعرف فلان وعلان ، لو انت مطيع لله الكون كله يعرفك ، الطير يعرفك ، والجماد يعرفك ، طب يا رب السحابة تغير وجهتها ؟! اه ربنا يسوق إليك الكون كله ، ويسوق إليك قلوب البشر لو انت مطيع لله طب السحابة بتسمع الكلام ؟ اه عبد من عبيد الله ، عبودية الكون كله لله ولو انت مع الله الكون كله يبقى عبد لك ، وعلى قد ما عبوديتك تكمل لله على قد ما الكون يبقى مسخر لك ومسير لك ياذن الله سبحانه وتعالى



## هيمنة الله على كل شيء

"وَالطُّورِ" الطور: ١ الجبل اللى ربنا هدد بنى إسرائيل به ، كأن ربنا بيقول لنا بأقسم بالجبل اللى رفعته على بنى إسرائيل على إيه يا رب ؟ "وَكِتَابٍ مَّسْطُورٍ" الطور: ٢ ، "وَكِتَابٍ مَّسْطُورٍ" ده كتاب إيه ؟ كتاب كلام الله ، أقدار الله الشرعية والكونيه سواء المفسرين قالوا الشرعية أو الكونية ، أقدار الله ، الإمام أحمد بيقول "قدر الله هو قدرة الله" يعنى إيه يا جماعة ؟ يعنى ربنا بيقسم بإخضاعه للكون ده كله ، إن ما فيش حاجة فى الكون خرجت عن أمره ، "وَكِتَابٍ مَّسْطُورٍ" مكتوب كل حاجة بتحصل ، دلالة على هيمنة الله على كل شيء

"فِي رَقٍّ مَّنشُورٍ \* وَالْبَيْتِ الْمَعْمُورِ" الطور: ٣: ٤ البيت اللى زى الكعبة كده بس فى السماء ، سبعين ألف ملك كل يوم بيحجوا إليه ، مين اللى اخضعه ؟ كل العدد الهائل من الملائكة بكل الخلق العظيم بتاعهم ده ؟ الله بعظمتته وسلطانه "وَالْبَيْتِ الْمَعْمُورِ \* وَالسَّقْفِ الْمَرْفُوعِ" الطور: ٤: ٥ السماء اللى فوقنا دي ، ده الأرض بس ستة ألف مليون مليون مليون طن ، الأرض بس الحقيرة دي ، ما بالك الكون ده كله ثقله إيه ؟ بقدرة الله الكون ده كله مرفوع ، "وَالسَّقْفِ الْمَرْفُوعِ \* وَالْبَحْرِ الْمَسْجُورِ" الطور: ٥: ٦ اللى يقدر يقلب الميه نار اتقوا الله

بتقسم بكل ده على إيه يا رب ؟! "إِنَّ عَذَابَ رَبِّكَ لَوَاقِعٌ" الطور: ٧ يعنى ربنا بيقول لكل عاصى أنا أقدر إن أخسف بك الجبال ، وأقدر إن أكتبك فى اللوح المحفوظ من الأشقياء المخلدن فى جهنم ، وأقدر إن أنا أسلط عليك ملائكة السموات السبع تعذب فيك ، وأقدر إن أنا أرجمك بأجرام السماء وأفلاك السماء ، وأقدر إن الميه اللى انت بتشرها عشان تبرد صدرك أجليها نار تولعك من جوه ، أقدر إن أنا أعمل فيك كل ده ، ربنا بيخوفنا يا جماعة بذلك "ذَلِكَ يُخَوِّفُ اللَّهَ بِهِ عِبَادَهُ يَا عِبَادِ فَاتَّقُونِ" الزمر: ١٦

## هنقابل ربنا نقول له إيه ؟!

عشان كده السلف كان واحد من السلف يحط صبعه على المصباح المشتعل لغاية ما بيدأ يحس بالحرق ، كده بيدأ يحاسب نفسه لما فعلت كذا يوم كذا ، طب لما فعلت كذا يوم كذا ، طب لما فعلت كذا يوم كذا ، مش انت عامل كده وبتعصى ربنا ؟ طب انت عملت كل ده ليه ؟ بيحاسب نفسه وهو حاسس بحرارة النار

أحد السلف التانيين كان بيحاسب نفسه بطريقة ذكية تانية ذكية جدا قال بكل بساطة أنا مش هفتكر أنا أذنبت فى إيه ، ولكن أنا عشت ستين سنة يعنى ٢١٥٠٠ يوم ، وأنا لا يمكن عدى عليا يوم أذنبت فيه أقل من ذنب واحد يعنى أنا هقابل ربنا هيسألنى عن ٢١٥٠٠ طب هقول لربنا إيه ؟ عن ذنب ذنب يا ايه شايقين يا جماعة ؟ ده الراجل ده افترض إنه معصية واحدة فى اليوم ، يعنى انت امبارح ماعملتش حاجة غير إنك بصيت بصة واحدة حرام ؟ انت امبارح ماعملتش غير بس وانت معديه فى الصلاة كده قمتى بصة بصة على التليفزيون وهو شغال ؟ ماعملتش حاجة ؟ ماعملناش أى حاجة بس وفى اليوم اللى عملت فيه ده ما عصيتش ربنا فيه ؟ ما أغتبتش فيه ؟ ما كذبتش فيه ؟ ما نمتش فيه ؟ ما لمزتش ؟ ما غمستش ؟ ما عملتش أى معصية فيه على الإطلاق ؟!

هكذا كان السلف يحاسبوا أنفسهم ، لما الواحد بيبتكر معصية وهو بيبتكر فيها بترعب والله ، هيقابل ربنا إزاي ؟!

هنقابل ربنا نقول له إيه ؟! هنقابل ربنا بأى وجه ؟! ده انت كل موقف شفت فيه الدين محتاج نصرتك وما

نصرتهوش فيه ذنب عليك أمام الله ، عشان كدة سعيد بن عامر لما عمر بن الخطاب ولاه على حمص فأهل حمص اشتكوا لعمر بن الخطاب فسيدينا عمر راح يقول لهم **"ما تنقمون منه؟"** قالوا له لستة طويلة كده منها إن الرجل ده بتأخذه غنظه يعني موته كده ، يعني بيغمى عليه كل شوية ، إيه الحاكم اللي انت جايوهلنا بيغمى عليه ويقع من طولك كل شوية؟! فسيدينا عمر وهو يبسأله يعني **"ما هذه الغنظه؟"** ليه الاغماء اللي بتحصلك ده؟ مريض ولا تعبان ولا إيه؟! فقال له **"إني يوم قتل خبيب بن علي خبيب في مكة"** لما قطعوا حنة حنة من جسمه ، ثم قالوا له أترضى أتحب أن يكون محمد مكانك فقال **"والله ما أحب أني في أهلي ومالي ومحمد يشاك بشوكة"** ، قال **"فكلما ذكرت هذا الموقف"** ، كان واقف بيتفرج عليه وكان لسه مشرك **"ظننت أن الله لا يغفر لي ذلك أبدا"** هو اللي بي فهم أكثر ولا إحنا؟! لما انت بتشوف الدين دلوقتي بيتقطع ومش همك وبتنام ، ممكن تفكر في الغيبة اللي اغتبتها و تقول يا رب اغفر لي ، وما بتفكرش إن سكوتك على أحوال المسلمين ده ذنب ، أهو يقول **"ظننت أن الله لا يغفر لي ذلك الذنب أبدا"**

**احذر الرياء... فإنه هلاك**

الواحد لما بيبتكر الحاجات اللي هو عملها وماهواش عارف هو مرآئي ولا مخلص ، يا جماعة أى امتحان انت ممكن تدخله لو جيت ٥٠% تنجح ، ٦٠% تنجح ، ٧٠% تنجح ، امتحان الإخلاص لو جيت ٩٩% تسقط ، لازم ١٠٠% ، ماينفعش ١% شرك مع الله لأي شئ من الأشياء ، شايقين طب وأسقط يعني ما آخذش ثواب العمل ده؟ لا يا حبيبي تسقط يعني تتسحب على وجهك يوم القيامة إلى جهنم والعياذ بالله ، الرياء ذنب مش مجرد إيضاع وحبوط للعمل فقط

**لو قلبك كشف؟!**

الواحد لما بيبتكر الفروض اللي هو مايعملهاش ، إحنا حالنا إيه في بر الوالدين؟ ولا مرة قلت لأمك وأبوك لا؟ ولا مرة زعلت منهم ولا غضبت منهم؟ إحنا حالنا إيه يا جماعة في صلة الرحم؟ يا جماعة إحنا حالنا إيه في الفروض مش في النوافل؟ الفرائض اللي ربنا سبحانه وتعالى هيسألك عليها ، يا إياها ده الرسول عليه الصلاة والسلام لما يقول **"إن العبد إذا أخطأ خطيئة نكتت في قلبه نكتة سوداء"** حسن نقطة سودة ، الواحد بيقتد يفكر كده يا ترى يا رب لو الواحد لو قلبه انكشف دلوقتي والا أى واحد مننا قلبه انكشف يا ترى هيطلع أبيض ولا رصاصي ولا كروهات ولا أسود ولا هيطلع لونه إيه من كل المعاصي اللي اتعملت دي؟!!!

عشان كدة ربنا بيقول في سورة الطارق **"يَوْمَ تُبْلَى السَّرَائِرُ"** الطارق: ٩ قلبك هيبان ، هيبقى لونه إيه بحق وحقوقي ، الآية اللي بعدها **"فَمَا لَهُ مِنْ قُوَّةٍ وَلَا نَاصِرٍ"** الطارق: ١٠ طب ليه يا رب دي بعد دي؟ أصل لما حقيقتك من جوه تبان وتتكشف ما فيش حد هيجرأ إنه هو يشفعلك أمام الله ، ليه؟ كل حاجة من جوه بانة خلاص بعد كل ده لما تسمع حديث رسول الله صلى الله عليه وسلم رواية عن رب العزة **"يا ابن آدم لو بلغت ذنوبك عنان السماء ثم استغفرتني غفرت لك ولا أبالي"** صحيح

**"ولا أبالي" دي تخليك تحس إنك بتحب ربنا أوى** ، ده انت يا ابني لو أعدت تعد ذنوبك ممكن في ذنوب منها لو أخوك اللي في البيت عرفها ووالله ما يسكن معاك في الشقة ، في ذنوب منها لو والدتك عرفتها ممكن ماتطبقش تبص

في وشك ، وربنا عارفها سبحانه وتعالى وفتح لك بابه برضه ، ده انت لو واحد غلط في حقه أوى أوى يعنى ورحت تصالحه كدة ومتوقع إن هو يتقمص منك والا حاجة لقيته بيضحك في وشك ، وبيتبسط عليك وبأخذك بالحضن ويقول لك أنا مش زعلان والله ، ده أنا بجدك ، هتقول إيه الشخصية العظيمة دي ؟ ده أنا بجد أوى ما بالك باللى غفر لك كل اللي انت عارفه !

ده انت لو أى واحد غلط في حقك مرة هيعديها لك اتنين هيعديها لك عشرة... لا... ربنا لو غلط في حقه مليون مرة ورجعت له يغفر لك على ما كان منك ولا يبالي

### توبة شاب

مستنى إيه من وراء المعاصى بتاعتك لو ما تبتش منها ؟ مستنى موت الفجأه وخاتمة السوء مستنى إيه ؟! ما هو ما فيش غير كدة يا جماعة إلا إن انقذت على آخر لحظة أحد الشباب كان سائق عربيته وهو ماشى في الشوارع فحب يحود من شارع جانبي سبحانه ربي الشوارع الجانيبه دي من آيات ربنا والله يا جماعة ، بيحصل فيها قصص كثير أوى ، ممكن يحود من الشارع اللي قبله ولا اللي بعده ، بس هو حود من ده ، ده من قدر الله سبحانه وتعالى حود لقي شاب سائق عربية ، شاب روش وحلو كدة وسائق عربية وماشى يعاكس البنات اللي ماشية في الشارع بنتين تلاته قدامة كدة

فالراجل عدى بالعربية وبعد كدة ضميره تعبته إيه ده ! أنا إزاي أشوف المنظر ده وأسبب الشاب ده كدة بدأ يدخل في صراع ، صراع دي كلمة طبعاً مخزنه جدا صراع إيه! مفروض يروح يكلمه فوراً بدأ يدخل في صراع وبعد كدة لقي البنتين دخلوا في بيت ، بيتهم ، فقام رجع للشباب تانى وقام وقف عربيته ونازل له قال له : "انت يعنى يا أخی الكريم وربنا والدين والآخرة والنار والجنة والموت والحساب والأثر الدنيوى للمعصية وعظمة ربنا ونعم ربنا عليك" وقعد يتكلم معاه بيقول وأنا خايف في الأول ، ليه ؟ الواد تخين وطويل كدة وشكله يخوف ، لو قلب عليه ممكن يعمل فيه حاجة

فبيقول شوية ولقيت بدأ وشه يتأثر شوية ولقيت دموع بتزل من عينيه ، اطمأنيت قعد أزرع ، قعدت ادبلوا نار وآخرة وموت ، فبيقول فبدأ يتأثر جداً قال له : "طاب أنا عايش في فراغ نفسى قاتل" ياااه فراغ نفسى قاتل ! طاب لما انت عايش في فراغ نفسى قاتل ، يعنى أنا معايا فلوس ومش عارف أعمل بها إيه ؟! أروح أشترى شوية بترين وعلبة كبريت ، وأقعد أولع في إيدى وأطفيها ، لما الحريقة تروق أولع في رجلى وأطفيها ، لما تروق أولع في صدرى وأطفيها إيه يا جماعة ده ؟! أنا مش عارف أعمل إيه بالوقت بتاعى ؟! أروح أدخل به جهنم والعياذ بالله ! بيقول له أنا في فراغ نفسى قاتل ، الناس قريبه والله يا جماعة قريبه في الأول انت بتبقى خايف تكلم الشباب اللي واقفين في الشارع والا التاكسى اللي ركبت معاه والا صاحب المكروباص ، لما بتكلم كثير بعد كدة بتكتشف إن الناس أصلاً يعنى بينهم وبين ربنا شعرة بس انت بس قريبه من الله

طاب هتلى نمرتك وهتلى عنوانك وما تسبنيش إدالوا نمرته وعنوانه ، يومين ولقى الشاب بيفوت عليه فعلا بس وشه منور ، الصلاة بدأت تنور وشه ، الجلبية البيضة كدة اللي بتخلى الداخل بتاعك يبيض من بياض الظاهر الباطن نفسه يبيض وهو بيكلمه بهدوء وسكينة والحمد لله وقعد يحكى له على البلاوى اللي عملها طول عمره ، في الأول



كان يبشده عليه إنما الرجل دلوقتي جيه نتبظب " **قُلْ يَا عِبَادِيَ الَّذِينَ أَسْرَفُوا عَلَىٰ أَنفُسِهِمْ لَا تَقْنَطُوا مِن رَّحْمَةِ اللَّهِ إِنَّ اللَّهَ يَغْفِرُ الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ** "

الواد بدأ يتأثر وبدأ يخشع ، طب عشان خاطر ي فوت عليا وعنوانى أهو ، حاضر هفوت عليك بكرة ، اتشغل بعده اتشغل أربع خمس ست أيام ، وبعد كدة اقتنص نصف ساعة فاضية وراح يفوت عليه ، بيخبط لقي واحد راجل كبير كده ودقنه بيضا وطالع له ، فالراجل شكله زعلان جدا وحزين ، فييقول له : "حضرتك فلان موجود" يعنى ففجأ هذا الشاب الملتزم إن صاحبنا يا جماعة —————ات فى هذه الأيام ، ياااه ... انت عارف انت تفتكر حديث إيه فى الموقف ده ؟

حديث قاتل مائة ، لما الراجل أدرجه موت الفجأه وهو فى الطريق ، رايح للبلد الصالحة فترلت ملائكة الرحمة وملائكة العذاب يختصموا فيه ، ففاسوا المسافة ما بينه وما بين أرض الصلاح وما بينه وبين أرض الضلال ، لقوا إنه أقرب لأرض الصلاح بقدر إيه ؟ شبر واحد بس ... أهو الراجل ده أنقذ على شبر ، أهو صاحبنا الشاب ده هو انقظ على شبر شبر يا جماعة ! شبر والله

ممكن مصيرك كله يوقف على شبر ! ولكن الشبر ده خط النجاة ، ده لو جيت تشوف المسافة اللي قبله ملايين الجثث من الشباب مرميه فيه ، ما هو اللي لحق الشبر ده قليل أوى ، قليل اللي لحق الشبر ده ، ما هو ٥٠% النجاح فى واحد جاب ٤٩% وواحد ٤٩.٩% سقوط وواحد ٤٩.٥% سقوط ليه ؟ مالخمش الشبر اللي لحق الشبر ده أد إيه؟! قليل يا جماعة ... قليل ، ولكن إذا كان الراجل ده لحق ففى شباب تانى مالخقوش كثير أوى للأسف الشديد وهم الأكثر

### حسرة شاب

يعنى أحد الشباب يعنى بيحكى بيقول إحنا كنا تلاته ... لا... ماكنوش تلاته دول كانوا أربعة ليه ؟ كان الرابع بتاعهم ابليس والعياذ بالله ، كانوا تلاته يعنى عشاق اللي هم يروحوا مع الفتيات فى الأماكن المش عارف إيه ، فيلا بتاعت واحد منهم ولا بتاعت إيه ! يعنى زنا وخمرا ومخدرات والعياذ بالله ، كل الموبقات اللي انت تسمع عنها فيقول لك وفى مرة من ذات المرات يعنى كنا تلاته صحاب كدة وتلات بنات ، ورحنا على فيلا بتاعت واحد منهم فإكتشفوا للأسف الشديد ... ده بقدر الله ... إهم نسوا الأكل ، طاب ينفع ما نكلش ؟ ما ينفعش ما نكلش ، فواحد تبرع إنه يروح يجيب الأكل ، الساعة كام ؟ ٦ ، الساعة ٦.٥ ما جاش ، ٧ ما جاش ، ٨ ما جاش ، ٩ ما جاش ، ١٠ ما جاش ! لازم فى حاجة ، واحد منهم ركب عربيته ، وطلع بسرعة يشوف هو حصل له إيه؟! فوجئ إن على الطريق عربية مقلوبة ، ببص عليها لقاها عربية صاحبه ، بيجرى بيشف ... لقي العربية مولعة بيشف صاحبه جواها ، لقي نص جسمه اتفحم خلاص وهو لسه مامتش يااااه لسه ما متش؟! أربع ساعات بيطلع فى الروح والعياذ بالله

فبدأ يهز فيه يفوق فيه ، فبدأ صاحبه بيقول أنا بدأت أسمع صوته وهو بيقول "النار ، النار" فيبهز فيه وبقول له ده عايز يشيله يوديه المستشفى ، قال له "ماتحولش مش هوصل ، مانش هوصل المستشفى" فييقول بدأت يعنى بدأ يضطرب كدة ، صاحبه ييموت قدام عينيه ، صاحبه بيولع قدام عينيه ، فبدأ يضطر ومش عارف يعمل إيه ، فلقى



ده ٩٩% دي في حسابات الدنيا ، ولكن بحسابات الآخرة وكلام الله من عاش على شيء مات عليه ، لو انت فعلا حياتك في طاعة الله ياذن الله سبحانه وتعالى ربنا لن يقبضك إلا على طاعة الله سبحانه وتعالى مستنى إيه ! هو حاجة من التلات الحاجات اللي اتكلمنا عنهم يا خزي الآخرة يا موت الفجأة وخاتمة السوء ، يا إما الذنوب والمعاصي بتاعت الدنيا تطلع عليك في الدنيا وتيجي عقوبات الدنيا والعياذ بالله مستنى إيه ؟! إحنا مستنين إيه يا جماعة أبو دقن اللي مربيها ده مستنى إيه ؟! وأم نقاب وأم حمار ؟!

### عايزين ننتقل إلى الله

إحنا ما نتكلمش مع العاصي بس ، غالب اللي قاعدين في المسجد دلوقتي مش عصاة والحمد لله ، أنا ظنى فيكم كدة الغالب فعلا داخل ولكن عايز يفوق ، إحنا بس مش عايزين نتوب ، مش مستنين إن إحنا نتوب ، إحنا عايزين ننتقل إلى الله ، عايزين ننتقل إلى الله

عشان كدة يعني لما جيت أتدبر في قول الله سبحانه وتعالى "قَدْ أَفْلَحَ الْمُؤْمِنُونَ" المؤمنون: ١ أنا قعدت أتدبر في الآيات دي كدة ، حسيت فعلا إن دي سورة كدة نورانية ، كأن ربنا فتحلنا باب في السماء وكأنه بيقول لنا انطلقوا لها ، البرواز الجميل ده عاوزين نوصل له يا جماعة ، عايزين ننتقل... مش القضية إن إحنا نتوب وبس ، ما في ناس تابت وقعدت مكانها ، عايزين نتوب وبعد ما نتوب ننتقل إلى الله

"قَدْ أَفْلَحَ" عارف يعني إيه "أَفْلَحَ" ؟ بعض التفاسير قالت من الفلاحة ، يعنى الفلاح اللي بيتزل يطلع روحه في تسوية الأرض ، وتنقية الأرض وحرث الأرض ، وبذر الأرض والعرق بتاعه يشر منه ، وبعد كدة يقول "يا رب عليك إن البذور دي تطلع ثمر يا رب" أهو هوا ده اللي إحنا عايزين نعمله إحنا ، عايزين نتعب في دين الله ، عايزين نجتهد في دين الله ، عايزين نجاهد في العبادات ونجاهد في تربية قلوبنا ونجاهد في طلب العلم ونجاهد في الدعوة وبعد كدة نشيل العرق من على جبيننا ونقول "عليك الثواب يا رب"

عايزين شاب كدة يا جماعة يروح بعد العشاء يقعد يقف على سجادة الصلاة يقعد يصلى لحد الفجر ، مش بيصلى لغاية الفجر وهو بيجاهد نفسه ده قاعد يستغيث بالله إنه يصلح له قلبه لغاية ما يلاقى الفجر أذن عليه وهو ساجد كدة وبقاله نص ساعة ساجد ، يقول عليك تعبي يا رب ، يا رب عليك الثواب وهداية قلبي وتزليل الإيمان على قلبي يا رب

أحد الشباب بيقول لى أنا الجدول بتاعى بعد الفجر أقعد جلسة الضحى وأعبد ربنا والقرءان ، بعد الظهر ورد العلم وتحصيل العلم ، بعد العصر أفوت على الشباب أقعد أدعوهم إلى الله ، بعد المغرب أحضر درس ، بعد العشاء أروح أنام عشان أقوم الليل ، عايزين نبقي كدة يا جماعة وأحسن من كدة ، بس عايزين نبقي كدة حتى على الأقل ، عايزين نبقي ناس مجتهدين في دين الله سبحانه وتعالى

### لا سعادة إلا مع الله

"قَدْ أَفْلَحَ" "قد" لما تيجي مع الفعل الماضي تفيد اليقين... يقين ، انت موقن إن الفلاح مش موجود إلا في سكة ربنا ؟ انت موقن إن مافيش سعادة غير في طريق ربنا سبحانه وتعالى ؟ اليقين ده عندنا ولا مش عندنا يا جماعة ؟

في ناس عندها اليقين إن الزوجة هي اللي فيها السعادة ، يتجوز أجمل بنت شافها توريه النجوم في عز الظهر ، شاب كان جاي يقول جبت أربعين ألف جنية من الخليج ، وجاي والفلوس راحت في جواز ، واحد قال له ما الرسول صلى الله عليه وسلم قال **"فاظفر بذات الدين تربت يداك"** صحيح مش هتلاقي غير التراب تحت إيدك عليه ، كل حاجة هتروح لو خد واحدة غير ذات دين

واحد تاني يقول لك السعادة في الفلوس ، ياااه يطلع أولاده أفسد شباب ، يطلعوا روحه ويضيعوا له عمره اللي شقى فيه يجمع مال ، واحد تاني يقول لك السعادة في المركز كدة والشهرة ياااه قدام عينيه أهو ، لسه عايشين ، الكرسي اللي كان بيحلم به غيره اللي يقعد عليه ويموت وهو بحسرتة

**لا يوجد سعادة إلا مع الله** ، ما فيش أى طريق تاني فيه سعادة ، ما فيش أى سكة تانية فيها سعادة واللى يقول لك إن في سعادة في طريق غير طريق الله يبقى يا مجنون يا نصاب ما فيش حاجة تالفة له ، أى والله يا جماعة أقسم بالله بربى هذا هو الحق المبين

**"من كانت الآخرة همه جعل الله غناه في قلبه وجمع له شمله وأتته الدنيا وهي راغمة ، ومن كانت الدنيا همه جعل الله فقره بين عينيه ، وفرق عليه شمله ، ولم يأت من الدنيا إلا ما قدر له " صحيح** له ؟ أصل اللي هدفه الآخرة ده هدفه بعيد فباصص له من بعيد كدة ، فمايبصش لا على يمينه وشماله ، فمركز وجهته على حاجة واحدة ، فمنطلق إليها ، إنما اللي هدفه الدنيا مروش ، من على اليمين تقوم معدية عربية حلوة يقوم باصص على اليمين كدة ياااه هي دي الركوبة ولا بلاش ، يقوم على الشمال موبايل "بولى فونك" يقوم رانن يقوم باصص على الشمال هي دي المحمولات ولا بلاش ، تقوم واحدة معدية على الرصيف التانى ، وعربية على الرصيف التانى ومن تحته مش عارف يجي إيه ! يقعد مروش ... الدنيا هبالاااه ، لأن هو مش مركز هدفه على حاجة واحدة

**عشان كدة الناس اللي مش مصدقه إن السعادة مع ربنا ... وقعت على جدور رقبته في الدنيا قلب الآخرة غرته الدنيا !**

**"ذَرْنِي وَمَنْ خَلَقْتُ وَحِيدًا"** المذثر: ١١ ما لوش زى ياااه هو الآيات دي نزلت في عهد المشركين ، إنما لو جبتها على الشباب مالوش زى ، شاب ما فيش زيه البنات كلها هتسهل عليه ، والبنات مالهاش زى أجمل بنت في البنات كلها **"ذَرْنِي وَمَنْ خَلَقْتُ وَحِيدًا"** مالوش زى **"وَجَعَلْتُ لَهُ مَالًا مَمْدُودًا"** المذثر: ١٢ أصل أنا ممكن معايا مليون جنية ، بس لو صرفت منهم يخلصوا ، إنما ليه تجارة كل يوم بكسب منها ١٠٠٠٠٠٠ جنية فمهما صرفت الفلوس بتمدد تاني وتجدد تاني ، ده والده مدى له محمول ومدى له عربية ، ومدى له فلوس بلا حساب ، ويقول له لو خلصت الفلوس تعالى يا حبيب قلبى وخذ فلوس تاني ، لو خلصت الفلوس يا بنتى تعالى يا حبيبى خدى فلوس تاني ، أما أنا أبوكى ليه ويتعب ليه ؟ عشان انتى تستريحي وتفسدى في الأرض ، تفسدى وتفسدى في الأرض !

**"وَجَعَلْتُ لَهُ مَالًا مَمْدُودًا \* وَبَيْنَ شُهُودًا"** المذثر: ١٢: ١٣ أولاده معاه كدة ، داخل التجارة معاه ، داخل أى نادى معاه ، داخل أصحابه معاه ، الوالد يتجوز بت حلوة طبعاً بفلوسه ويجيب عيال ملونة ، ويعيش ومتهيقلى إنما جواز حلوة ، متهيقلوا إن هو كده عايش سعيد ولكن **"ثُمَّ يَطْمَعُ أَنْ أَزِيدَ"** المذثر: ١٥ أزيد؟! فإكر إن أنا هزوده وهو في

معصية الله "كَلَامًا" هذا لا يكون أبدا لا يمكن "إِنَّهُ كَانَ لآيَاتِنَا عَنِيدًا" المدثر: ١٦ العند اللى بين يدي ربنا سبحانه

وتعالى

"سَأَرْهَقُهُ صَعُودًا" المدثر: ١٧ هذوقوا عذاب في الدنيا متصاعد ، مافيش يوم يعدى إلا وهو أسود من اليوم اللى قبله وأسوء من اليوم اللى قبله ، وأزفت من اليوم اللى قبله ، وأرهق من اليوم اللى قبله والعياذ بالله ، ليه ؟ لأنه ظن إن في سعادة في غير طريق الله سبحانه وتعالى

**الفلاح في الخشوع في الصلاة**

"قَدْ أَفْلَحَ الْمُؤْمِنُونَ" تحس إن في ناس كانت مستنيه كدة ، يا ترى الشباب الروش اللى هيكسبوا والا العيال اللى اضحك عليها واتغسل لها مخها في الجوامع دي اللى هتكسب؟! وقام جى واحد فجأة يا جماعة قد أفلح الملتزمات والملتزمون والتائبات والتائبون والمجتهدات والمجتهدون ، وقد خسر العاصيات والعاصون والمتبرجات والمتبرجون والتائبات والتائبون ، كانه خبر من المعاني الجميلة أوى في كلمة

"قَدْ أَفْلَحَ" لما بتيجي الصلاة تقام ، الأمام بيقول إيه ؟ "قد قامت الصلاة" يقول لك قد قامت دي يعني كأن في ناس

مشتاقة أوى إنها تقعد بين يدي ربنا فلما تسمع كلمة "قد قامت" يعني خلاص يا جماعة ... خلاص

زى ما تكون انت مستنى تقابل وزير ولا سفير ولا حاجة وواقف بره ، يقوم بعد كدة السكرتير يقول لك خلاص

المعاد جيه ، قلبك يجي فيه شوية مشاعر غريبة كدة ، هدخل أقابل الشخصية العظيمة دي ، خلاص "قد قامت

الصلاة" ده عشان اللى مشتاق أوى للصلاة يفرح إن معاد الدخول على الملك خلاص جه فـ "قَدْ أَفْلَحَ

الْمُؤْمِنُونَ" بشرى لكل إنسان مؤمن إن هو ده طريق الفلاح وهو ده طريق السعادة

"الَّذِينَ هُمْ فِي صَلَاتِهِمْ خَاشِعُونَ" المؤمنون: ٢ أول مقياس ... من أول مقياس كدة بنتفضح من أولها كدة فضيحة

لازم تطلع "الَّذِينَ هُمْ فِي صَلَاتِهِمْ خَاشِعُونَ" بنقف نرتعش بين إيدين ربنا في الصلاة؟! خدوا بالكم يا جماعة "الَّذِينَ

هُمْ فِي صَلَاتِهِمْ خَاشِعُونَ" مش "الذين يخشعون في الصلاة" ، في اللغة العربية بيقول لك الجملة الأسميه اللى هي ربنا

عبر بها هنا تفيد الإستمرار والثبوت يعني إيه ؟ يعني مش أول ركعتين في التراويح بيعيط والست ركعات الباقيين نايم

، مش صلاة المغرب خاشع ، وصلاة العشاء قلبه مش معانا ، مش امبارح كان بيقراً قرآن ويعيط ، والنهاردة مش

حاسس ، مش امبارح كان نفسه يقوم الليل والنهاردة مالوش نفس يقوم الليل !

**قلوبنا محتاجة مجهود**

منحنى الإيمان مايبترش ، فيه ناس وهي بتقرأ القرآن منحنى الإيمان يتزل أوى أوى أوى ، ولما تيجي آيات جنة ونار

يزيد أوى أوى أوى ، ولما تيجي آيات جنة ونار يزيد ، وفيه ناس منحنى الإيمان ثابت مستقر ما بيبترش أهو هوا ده

الإستمرار ، لو انت المحمول بتاعك باظ تعمل إيه ؟ مشكلة ، طب لو قلبك باظ؟! ما هوا عدم إستمرار الإيمان ده

لأن قلبك مليون ثقب فالتشحن لما بيدخل بيقتعد يتفرغ من الثقوب دي ، على تاني يوم يكون الشحن راح

فلو المحمول بتاعك باظ لا ده لو قلبك باظ مصيه أكبر ، لو كلية الواحد فشلت ربنا يعافينا محتاج إنه يغسل غسيل

كلى ، أهو هوا زى غسيل الكلى ، قلبك باظ محتاج غسيل قلبى ، محتاج قلبك يتغسل ، محتاجين يا جماعة إن إحنا

نبذل مجهود على قلوبنا في تربية قلوبنا عشان فعلا المقامات الإيمانية دي تيجي



## خاشع في حياته

"الَّذِينَ هُمْ فِي صَلَاتِهِمْ خَاشِعُونَ" استمرار الإيمان ، مش الإيمان اللي بيحى ويقطع ، مش الإيمان الفلاشات ... لا... الإيمان المستمر المستقر "الَّذِينَ هُمْ فِي صَلَاتِهِمْ خَاشِعُونَ" طاب في حاجة أعلى من "صَلَاتِهِمْ خَاشِعُونَ" ؟ آه...الذين هم في حياتهم خاشعون ، اللي الخشوع بتاعه مش في الصلاة بس ، ده الخشوع بتاعه وهو بياكل وهو بيشر ، وهو نايم وهو ماشى ، وهو بيتكلم وهو بيشتغل وهو بيذاكر ، خشوع مستمر قلبه منكسر لله دائما أربعة وعشرين ساعة ، طب إزاي الاحساس الرهيب ده يحيى؟! إزاي احساس الخشوع ده يبقى مستمر معايا؟! لو قلبك عاش مع مشاهد عظمة الله ، أنا عايز واحد منكم يا جماعة قبل ما ينام كدة وهو بيغمض عينيه يفكر أنا في سبع سماوات فوقى مافيش فيهم أربع أصابع مافهوش ملك بيعبد الله ياااه وأنا هنام ! وهعجز وأنام ! أنا عوزكم يا جماعة تفكروا التفكير ده سبع سماوات فوقى قاعدين يسبحوا ربنا أربعة وعشرين ساعة ، واحد قلبه مع أنوار حجاب... حجاب الله نور ، واحد قلبه مع عرش الله وعظمة عرش الله ، واحد قلبه مع اعجاز خلق الله في الكون واحد قلبه مع هيمنة أمر الله على كل شئ في الكون ، وإن الله هو القادر على كل شئ ، ولا أحد يقدر على أى شئ ربنا اللي في ايده ، كل شئ

## من لك غير الله!؟

اللى في إيده رزقك مين ؟ الله ، واللى بإيده سعادتك ؟ الله ، واللى بإيده دنيتك ؟ الله ، واللى بإيده الأجنة ؟ الله ، واللى بإيده حسابك يوم القيامة ؟ الله ، فلو خسرت الله يبقى خسرت كل شئ عشان كدة أشد عقاب على العصاة في جهنم إنهم بيتحرموا من كلمة يا رب ، لما يقولوا "يا رب" ، ربنا يقول لهم "اخسئوا فيها ولا تكلمون" يا سلام كلمة يا رب دي كلمة كتر والله بس لو نقدرها يا جماعة متوجهه لغيره ليه ؟ رايح لغيره ليه ؟ مين لك غير الله ؟ ومين يملك مستقبلك غير الله سبحانه وتعالى عشان تقرب من أى حد وتعطى ظهرك لربنا سبحانه وتعالى!؟

## لا عندنا وقت نضيعه

"الَّذِينَ هُمْ فِي صَلَاتِهِمْ خَاشِعُونَ \* وَالَّذِينَ هُمْ عَنِ اللَّغْوِ مُعْرِضُونَ" عارف يقول لك أعطينى عرض يعنى مدينه ظهري ، يعنى اللغو ده مالناش دعوة بيه مش سكتنا ولا عندنا لحظة نضيعها ليه ؟ أصل اللي وقف بين يدي ربنا في الصلاة ده اللي وقف بين يدي الملك وجرب جلال القرب من الملك وجرب روعة الإتصال بالملك ده يا جماعة بيخرج من الصلاة ، اللي صلى صح بيخرج من الصلاة هيموت عشان يوصل لربنا ، خلاص بقى قلبه مأخوذ عن أى شئ إلا لله سبحانه وتعالى هيموت عشان يصل إلى الله سبحانه وتعالى ، فده ما عند هوش وقت يلغو ، ما عند هوش وقت يضيعه في حياته ، زى محمد بن الفضل كدة رحمة الله لما كان يقول "منذ أربعين سنة ما خطوات خطوة إلا لله" بقالى أربعين سنة ما عملتش مشوار إلا في سبيل الله ، يعنى يا إما في دعوة ، يا إما في طلب علم ، يا إما في الجهاد ، يا إما في نصرة المسلمين ، المهم إن هو في سبيل الله سبحانه وتعالى انت حياتك كلها لله ؟ انت كام في المية من حياتك لله ؟ ما إحنا لازم نوزن حياتنا على أقوال السلف يا جماعة ، وعلى حياة السلف على حياة الصحابة رضوان الله عليهم

"وَالَّذِينَ هُمْ عَنِ اللَّغْوِ مُعْرِضُونَ" طاب ليه الإعرض عن اللغو دي بعد الصلاة ؟ لأنك لو صليت صح المعاني الإيمانية اللي هتيجي في قلبك وانت بتصلي لما تخلص صلاة ، أى كلمة مع أى بشر أو أى مخلوق أو أى تفكير في أى دنيا هيضع عليك المعاني دي ، فإنت وإنت بتصلي بعد ما تخلص صلاة مش عايز الإيمانيات اللي جوه قلبك دي تروح ، مش عايز حد يكلمك ، لا عايز تبص يمين ولا تبص شمال ولا حد يكلمك

**إكشف على قلبك ... قيم عبادتك**

لو إنت صليت وماحستش بالإحساس ده اقم صلاتك ، لو انت سبحت ربنا وبعد التسييح لقيت نفسك مانتش عايز تستغفر ... ما هو التسييح ده بيعظم مقام الله في قلبك ، لما مقام الله يعظم في قلبك يجي معصية ؟ المقام هيعظم في قلبك ، إزاي أنا اعصى الملك؟! إزاي اعصى الله؟! فلو انت سبحت ومالقيتش نفسك عاوز تستغفر بعدها اقم تسيحك

عايزين يا جماعة نقيم عبادتنا ، نعرف عبادتنا كويسة ولا لآ ؟ نعرف عبادتنا مثمرة ولا لآ ؟ أهو هو ده التقيم للعبادة أهو لو صلاتك فيها خشوع لازم هتعرض عن اللغو بعدها ، شوف انت معرض عن اللغو ولا لآ ؟ "وَالَّذِينَ هُمْ لِلزَّكَاةِ فَاعِلُونَ" يعني مش أى زكاة ، يقول لك الدواء ده فيه فاعلية ، يعني دواء مؤثر ، يعني مش بيزكى أى زكاة بيتحرى بيدى الصدقة لين ؟ بيتحرى بيدى الزكاة لين ؟ ما يبطلعش أى مبلغ ، يبطلع على أد ما يقدر ، على أد ما ربنا يفتح له على أد ما هو يعطى الله سبحانه وتعالى ، يبقى كدة كل اللي فات ده عبادات أهو صلاة وزكاة "وَالَّذِينَ هُمْ لِفُرُوجِهِمْ حَافِظُونَ إِلَّا عَلَىٰ أَزْوَاجِهِمْ أَوْ مَا مَلَكَتْ أَيْمَانُهُمْ فَإِنَّهُمْ غَيْرُ مَلُومِينَ" يبقى الفرج على الزوجة أو ما ملكت اليمين ، يعني العادة السرية ما حدش يجادل فيها ... حرام حرام ، طيب وحفظ الفرج ده من الأخلاق ؟ من الأخلاق والسلوكيات

طب بعد كدة يا رب "وَالَّذِينَ هُمْ لِأَمَانَاتِهِمْ وَعَهْدِهِمْ رَاعُونَ" المعاملات ، معاملات تمام ، يعني ربنا الأول اتكلم عن العبادات وبعد كدة عن المعاملات ؟

**طب العبادات في الأول ليه ؟**

لأن العبادات دي هي زادك في الطريق إلى الله ، العبادات دي هي اللي هتشحن قلبك ، هتخليك لما تأمر أى أمر في تكليف في الدين تنفذ بقوة قلب ، العبادات دي اللي هتخليك لما يتقال لك حجاب تقولى سمعاً وطاعاً ، وإنت لما يتقال لك أى أمر من أوامر ربنا ما تدخلش من ودن وتخرج من ودن ... لا ... تقول سمعاً وطاعاً

العبادات أولاً ، عشان كدة قال رسول الله صلى الله عليه وسلم "بني الإسلام على خمس" صحيح بناء الدين ده مبنى على خمس حاجات هما إيه يا نبي الله ؟ الشهادتين والصلاة والصوم والزكاة والحج

الشهادتين اللي هما الإيمان ، والصلاة والصوم والزكاة والحج اللي هما العبادة ، دينك ده مبنى على شخص قوى الإيمان ... قوى العبادة ، عبادتك ده الأساس بتاع دينك ، عايز تعالى عشر أدوار ؟ إعمل أساس عشر أدوار ، عايز تعالى ثلاث أدوار ؟ كفاية عليك أساس ثلاث أدوار ، عايز تبني دور يقع عليك ! إبنى انت حر ! الأساس بتاعك بايظ ! عايز تعالى بيت خمسة وسبعين دور زى شعب الإيمان بضع وسبعين شعبة ؟ متن الأساس بتاعك ، طب وبعد العبادات تيجي المعاملات ليه ؟ لأن إنت لو عباداتك ما أثمرتش قوة في المعاملات أو صحة في المعاملات ، يبقى إنت

عباداتك غير مشمرة على الإطلاق ، عشان كدة الرسول قاعد مرة مع الصحابة فيقول لهم "أتدرون من المفلس ؟ " انتم عارفين مين اللي مفلس ؟ قالوا له المفلس يا رسول الله اللي ما حلتهاوش حاجة "من لا درهم له ولا متاع" قال "لا بل المفلس من يأتي يوم القيامة" يوم القيامة إيه ؟ إحنا بنتكلم عن المفلس بتاع الدنيا ؟ ... لا إحنا ما بنتكلمش غير في الآخرة إحنا بتتوع الآخرة ، إحنا بتتوع ربنا ، لما بنتكلم بنتكلم عن الآخرة ، يا جماعة أهم حاجة هي يوم لقاء الله سبحانه وتعالى

فقال: "بل المفلس من يأتي يوم القيامة بصلاة وزكاة وحج" كل ده ؟ كل دي عبادات ؟ آه "ولكن يأتي وقد شتم هذا وسب هذا وسفك دم هذا وأكل مال هذا" الراجل ده في العبادات واخذ عشرة من عشرة ، وفي المعاملات اللي هي الناحية الثانية اللي بايظه واخذ صفر من عشرة "فيأخذ هذا من حسناته وهذا من حسناته حتى إذا فرغت حسناته طرحت عليه من سيئاتهم ثم طرح بها في النار" والعياذ بالله يعني في العبادات ١٠٠% ولكن المعاملات وحشه راح جهنم والعياذ بالله

شايفين عظيمة ديننا؟! شايفين ديننا عظيم أد إيه؟! شايفين يا جماعة صفات الدين؟! مين فينا عنده صفات الدين ؟ يعني لو جينا في بلد صحراوية زى ليبيا مثلا ، وقالوا إن أعظم آثار في العالم اكتشفوها ، الناس صدقت وركبت طائرات وحجزت وراحت ، وراحت ما لقتش غير صحراء ! ده انتم عاملين اعلانات في جرايد الدنيا كلها ، انتم كدابين ولا إيه ؟ اه كدابين

طاب إحنا لما نروح نكلم الناس على الإسلام ، الإسلام ده دين الأخلاق والأمانة والعفاف والطهارة والشرف والصدق وووو الناس أول ما تيجي تنفرج على المسلمين أول كلمة هتقولها انتم إيه ؟ كدابين ! يبقى إحنا بقينا أكبر حجر في طريق دخول غير المسلمين من الإسلام ، وبقينا أكبر ملمح بيشوه وجهه ديننا العظيم ادعو إلى الله بأخلاقك الحسنة

أهم سبب لنفور الناس من الإسلام هو أنا وانت وانتم يا جماعة ، إحنا يا جماعة أهم سبب لنفور الناس من الإسلام والعياذ بالله؟! اه والله ، فإن صفات الدين ... فإن أخلاق الدين ، ده أخلاق الدين دي بتدخل الناس في رحمة الله يعني والله لما تلاقى أخ كدة حتى بيدعوا برحمة وأخلاق ، وفيه صفات دين جميلة كدة ، تحس إن ربنا بيفتح له القلوب

يعني أحد الشباب وكان يعني ربنا مبتليه بشوية معاصي ، بس يعني معاصي زائدة شويتن ثلاثة أربعة كدة ، يعني كان بيشرب مخدرات بس إيه يعني ممكن شويتن ثلاثة في اليوم ، إزاتين ثلاثة في اليوم ، حاجة كده يعني ، فكان أخ والله من الأخوة الطبيعيين جدا ربنا يبارك فيه ، يعني بيتكلم مع أصحابه دائما ، فكل ما يسألهم هو فين مثلا أحمد ؟ يقولوا له أحمد مش موجود ، يقول لهم : "ربنا يبارك فيه ، ربنا يهديه ، ربنا يتوب عليه " قول له إن أنا بدعي له ، سلمولى عليه ، كل ما يقف معاهم سلمولى عليه ، يقوموا يروحوا له : "فلان يبسلم عليك" فلان مين ؟ أنا أعرف فلان ولا عمري شفته !! فلان يبسلم عليك المرة اللي بعدها ، سلمولى عليه ده أنا بدعي له ، ده يبسلم عليك وبيدعيلك ، الأخ من كتر ما أتجنن في الآخر قام متصل به ، قال له "انت فلان؟" قال له "آه" قال له "انت تعرفني مينين ؟ ، انت بتدعيلي وبتسلم عليا ، انت تعرفني مينين ؟" فقال له "انت مين؟" قال له "أنا فلان الفلاني"

قال له : "حبيبي قلبي ، هو انت فلان الفلاني ؟ ده أنا نفسي أشوفك ، ده انت واحشني يا راجل ، كلام جميل كدة كلام ربنا بيشرح به الصدور والله يا جماعة ... أخلاق ، مش فيه ناس كدة تحس إنها بتروح تكلم الناس في الدين تكره الناس ؟!

رحمة النبي ، صدق النبي ، ونفس أخلاق النبي عليه الصلاة والسلام ، ونفس حلم النبي على معاصي الناس وعلى جهل الناس قال له "ده أنا نفسي أشوفك" ، قال له "تشوفني ؟! طيب أنا فاضي دلوقتي ، أنا عند مكان المحافظة مثلاً" قال له "أنا جيلك حالا أهو"

طبعا الشباب اللي قاعدين دلوقتي لو واحد صحبه قال "الحقني وتعالى لي" ، طاب بكرة ، طاب أنا مش فاضي دلوقتي ، تقرب منه ، ده ركب له في نفس اللحظة وراح له ، فقال له: "طاب أنا هعرفك منين؟" قال له : "لو انت فعلا اللي ربنا بعثك لي هتعرفني" فصاحبنا ركب وراح ، والأخ الثاني كان مستنيه هناك ، بيقول أول ما نزل من التاكسي سبحان ربي ، والله من عند الله ، الأثنين انطلقوا على بعض كأنهم عارفين بعض ، وخذوا بعض بالحضن حضن عميق ، وقام واخده معاه الجامع وقعدوا مع بعض في الجامع واعتكفوا في الجامع ، صلى فعلا بفضل الله سبحانه وتعالى

وبعد العشر أيام بفضل الله سبحانه وتعالى كان اتغير تماماً وبفضل الله سبحانه وتعالى ، لما تشوفه دلوقتي وشه منور وتلاقى شكله كدة راجل شيخ محترم ، مالى مركزه كدة ، وتحس إنك انت فرحان بيه ونفسك تحضنه بفضل الله سبحانه وتعالى ، إيه يا جماعة ده كله ؟! بسبب إيه ؟! بسبب الأخلاق ، هو الراجل ده كلمه ؟ هو كلمه كلمتين على بعض في الجنة ولا في النار؟ ولكن أخلاق الدين ، أخلاق الدين صفات الدين هيا دي الحاجة اللي نغزوا بها قلوب الناس جميعا ، ده من معجزات الإسلام ... أخلاق الإسلام

ربنا لما قال للنبي "وَإِنَّكَ لَعَلَىٰ خُلُقٍ عَظِيمٍ" انتم كلكم بتحسبوا إن "وَإِنَّكَ لَعَلَىٰ خُلُقٍ عَظِيمٍ" يعني إنك لعلی أخلاق عظيمة ، ابن عباس بيقول : "وَإِنَّكَ لَعَلَىٰ خُلُقٍ عَظِيمٍ" أى إنك لعلی دين عظيم "يعني ربنا سمى الدين أخلاق ؟ آه ده الرسول صلى الله عليه وسلم قال "إن المرء ليلبغ بحسن الخلق" إن هو يبسلم على ده ، ويبضحك في وش ده ويبحضن ده ، ويبحب ده ، ويبيدي لده هدية ، ويبزور ده لما يعيا "وإن المرء ليلبغ بحسن الخلق منزلة الصائم القائم" اللي صوتنا اتبجح شهرين في سلسلة العبادات عشان نعمل عشرالصائم القائم ، ده هو اللي أخلاقه حسنة بيلبغ هذه المرتبة بس بحسن الخلق ، شافين عظيمة ديننا واعجاز ديننا نضيع ده ليه ؟

ولما تلاقوا الآيات اتكلمت على العبادات مع المعاملات مع الأخلاق ، ده يعرفنا شولية ديننا ، يعرفنا ديننا دين شمولي ، أد إيه ماينفعش تبقى شيخ في الجامع ونصاب في التجارة ! ماينفعش تبقى شيخ في الجامع وحرامي في الشغل بتاعك ! ماينفعش تبقى متدين جوه وتضرب مراتك وتمد إيدك عليها بره ! ماينفعش تبقى راجل قاعد تبكي من خشية الله هنا وانت بره إنسان فظ غليظ القلب ما بتعملش مع الناس بالحسنى !

**اشحن قلبك بالصلاة**

شمولية دين الله سبحانه وتعالى ، آخر صفة "وَالَّذِينَ هُمْ عَلَىٰ صَلَوَاتِهِمْ يُحَافِظُونَ" إحنا بدأنا بالصلاة نحثم بالصلاة ؟ آه ، أصل الصلاة دي هي المبتدأ وهي المسار ، الصلاة دي هي الحاجة اللي بطلعك لله ، الصلاة دي أخطر عبادة

بس لو فهمت قيمتها ، الصلاة دي عامله زى عواميد النور اللي بتجدد الشحنة فى السلك طول ما هوه بيعدى فيها ، كل ما تصلى تتشحن تانى تتشحن تانى ، أهم عبادة على الإطلاق يا جماعة الصلاة ، بس ربنا قال هنا "وَالَّذِينَ هُمْ عَلَى صَلَاتِهِمْ" فى آية تانية فى سورة المعارج قال "وَالَّذِينَ هُمْ عَلَى صَلَاتِهِمْ" طب ليه ربنا جمع الصلوات فى سورة المؤمنون ؟

أصل سورة المؤمنون دي ربنا يقول إيه بعدها " أُولَئِكَ هُمُ الْوَارِثُونَ \* الَّذِينَ يَرِثُونَ الْفِرْدَوْسَ " المؤمنون ١٠: ١١ الفردوس دي لم تذكر فى القرآن كله إلا مرتين ، أعلى درجات الجنة على الإطلاق ، فإحنا بتتكلم هنا عن أعلى درجات الجنة ، طب إيه "صَلَاتِهِمْ" دي ؟ ده مش مجرد محافظ على الفرائض ، ده محافظ على صلاة الضحى ، محافظ على سنن الرواتب ، محافظ على قيام الليل ، محافظ على الوتر ، محافظ على جميع صلوات النوافل ، إنسان محافظ على أوراك العبادة بتاعته ، إنسان العبادة مالية حياته ، العبادة فى حياته مش ركعتين بيخطفهم خمس مرات فى اليوم ... لا ... العبادة دي أوراك فى حياته ومحافظ عليها ، يبقى إحنا دلوقتى لما طرحنا هذا النموذج يا جماعة على عجلة وعلى اختصار ، إيه رأيكم فى النموذج ده ؟ إيه رأيكم ؟

### جهد عشان تصل

دلوقتى فى شباب متأثرين بحضارة الأسنصير ، دلوقتى عايزين يطالعوا لربنا بأسنصير ، مش عايز يطالع سلم ، مش عايز يتعب ، مافيش أسنصير فى الطريق إلى الله ، يا جماعة الطريق إلى الله لازم تجاهد عشان تصل إلى الله سبحانه وتعالى فإنت مستنى إيه ؟ مستنى أسنصير ؟ مش هيجيلك أسنصير ، أسنصيرات مش موجودة فى الطريق إلى الله مستنى إيه عشان تتوب ؟! مستنى إيه عشان تسيب اللي انت لسه ماسبتهوش ؟! مستنى إيه عشان تعمل الطاعات اللي انت لسه مستقلها ؟! مستنى إيه عشان تطلب علم ؟! مستنى إيه عشان تدعوا إلى الله ؟! بكلم شاب من الشباب من يومين بقول "انت مستنى إيه ؟!" قال لى "يعنى إيه ؟" قلت له "يعنى انت مستنى إيه يعنى ؟!" قال لى "يعنى إيه ؟!" قلت له "انت مقتنع بالدعوة ؟" قال لى "آه" قلت له "طيب انت مستنى إيه عشان تدعوا ؟!" قال لى "مستنى إني أعرف أتكلم" قلت له "طاب ومستنى إيه عشان تعرف تتكلم ؟!" قال لى "مستنى إن أنا أتعلم" قلت له "طاب ومستنى إيه عشان تتعلم ؟!" فبدأ يلقلق ويتهته وبدأ قلقان طب انت مستنى إيه صحيح ؟! يا جماعة كل الفرص اللي إحنا مستنيينها عشان نقوم ونفوق حصلت ، مافيش حاجة أكثر من اللي موجود دلوقتى ، كل الفرص عشان نفوق ونتوب إلى الله حصلت فعلا ، كل الحاجات اللي انت مستنيينها عشان تفوق وجدت فعلا وحصلت فعلا ، يبقى انت مستنى إيه ؟! يعنى إحنا اتسبقنا والله يا جماعة ، إحنا قاعدين مستنين ومأجلين ، وكلمة سوف اللي هى جندى من جنود الشيطان انت عارف انت بتسابق مين ؟؟

إحنا اتسبقنا ، سيدنا الأرقم كان عنده ١١ سنة لما كان بيؤوى الرسول فى بيته ، ١١ سنة يعنى سنة كام يا عم الشيخ ؟ يعنى أولى اعدادى ، الإمام البخارى لما ألف أول كتاب ألفه كان عنده ١٦ سنة تانية ثانوى يا شباب ، تانية ثانوى ! كل واحد يجي وشة دلوقتى مش الستات اللي هتتحجب بس !!!



**مصعب بن عمير** لما فتح المدينة بالدعوة كان عنده حوالي عشرين ، وعشرين سنة تالته جامعة ، يعني أد معظم الشباب اللي قاعدين دلوقتي ، **محمد الفاتح** لما فتح القسطنطينية ٢٢ سنة ... البكالوريوس رابعة جامعة **الإمام السيوطي** أول كتاب ألفه - عايزين فعلا نغطي وشنا في دي - كان عنده سبع سنين ونص .. تانية ابتدائي يعني مافيش واحد في المسجد تانية ابتدائي ، متهيقلي يعني أكبر واحد في المسجد إيه ؟ مافيش تانية ابتدائي تخيلوا يا جماعة **زيد بن الأرقم** اللي سورة المنافقين نزلت تصدقه من فوق سبع سنوات ١٥، ١٦ سنة أولى ثانوى تانية ثانوى ، **أسامة بن زيد** اللي قاد جيش المسلمين في حرب الروم ١٧ سنة تالته ثانوى ، **أسامة بن زيد** ١٧ سنة ! شباب تالته ثانوى اللي في الشوارع دلوقتي قلبك يتقهر عليهم لما تشوفهم في الشارع والله ، والله قلبك يتقطع لما تشوفهم .

أسامة بن زيد يقول : "سألت رسول الله : يا رسول الله مالي أراك تصوم في شعبان ما لا تصوم في غيره؟" تصوم في شعبان ! ده لما الرسول صلى الله عليه وسلم مات كان عنده ١٧ سنة ، إمال لما سأل الرسول صلى الله عليه وسلم السؤال ده عنده ١٥، ١٦ سنة وقاعد يراقب النبي صلى الله عليه وسلم ، ويراقب عبادة النبي صلى الله عليه وسلم ، ويراقب سلوك النبي صلى الله عليه وسلم ، عشان يقلد النبي صلى الله عليه وسلم **شايفين علو المهمة في الإيمان ؟! شايفين يا جماعة ؟! شايفين الناس اللي رينا فتح لها الدنيا وفتح قدامها الدنيا ، لما الإمام الشافعي راح للإمام مالك يطلب علم و كان لسه صغير ، فالإمام مالك قال له : "إني أرى على وجهك نورا فلا تضعه بظلمة المعصية" تشوف الولد كده ابتدائي ولا أولى اعدادى تلاقي وشهه منور وشكله طيب ، لما يطلع ثانوى ولا جامعهه تلاقي وشهه اسود والعياذ بالله ، المعاصي سودت وشه ، جابت قتامة على وشه من كتر البعد عن الله سبحانه وتعالى**

**انطلق ولا تتأخر**

فإنت مستنى إيه ؟! الجن لما سمعت " **قُلْ أَوْحِيَ إِلَيَّ أَنَّهُ اسْتَمَعَ نَفَرٌ مِنَ الْجِنِّ فَقَالُوا إِنَّا سَمِعْنَا قرآناً عَجَباً**" وفي سورة الأحقاف " **وَإِذْ صَرَفْنَا إِلَيْكَ نَفَرًا مِّنَ الْجِنِّ يَسْتَمِعُونَ الْقُرْآنَ فَلَمَّا حَضَرُوهُ قَالُوا أَنصِتُوا فَلَمَّا قُضِيَ وَلَوْا إِلَى قَوْمِهِمْ مُّندِرِينَ**" الجن ما خدوش خمسين درس ، كل درس ساعة ونص ، الجن سمعوا خمس دقائق ، وبعد كدة جروا اشتغلوا في العبادة وفي الدعوة

فانت مستنى إيه ؟ إحنا عملين زى اللي نازل مسابقة ، هنعدي المنش ، المسابقة واحد نازل بطيارة ، وواحد راكب بصارخ ، وواحد راكب مرسيديس ، وواحد راكب مش عارف إيه ، وانت جى بس أنا اللي هكسبها راكب إيه ؟ راكب عجلة ! ونازل تسابق الناس دي كلها ! ماينفعش يا أخى الكريم مش هتوصل ، مش هتوصل إلا فعلا يا جماعة لو شدينا حيلنا أكثر من كدة في الطريق إلى الله سبحانه وتعالى

أنا عايز يعني قبل ما أغادر مقامي ده أفكر كم بدرس المرة اللي فاتت ، بكرة الجامعة يا جماعة ، بكرة الجامعة ياذن الله سبحانه وتعالى ، بكرة يعني ملايين الشياطين هتهيبس ، **يا فرحة ابليس فينا ، يا فرحة شارون فينا والله لما بيص على جامعات مصر** ، يعني و الصيف سوق أقيم ثم انفض ، صيف ربح فيه من ربح ، وقعد في المساجد فيه من قعد ،

وصام وصلى واعتكف وحضر دروس وسمع شرايط فيه من سمع ، وخسر فيه من خسر ، وراح مصايف وعاش حياته بالطول والعرض فيه من راح ، يعنى ربنا يعافينا ويتوب علينا جميعا

### علامات !.. احذرا!

أنا عايز أفكركم بالعلامات بتاعة المرة اللي فاتت ... أول جمجمة وعظمتين ، أول علامة خطر هلاك وجهنم كانت على باب الجامعة عشان **غض البصر**

تاني علامة خطر كانت قدام **كل شلة مختلطة** عشان النساء وفتنة النساء وانتي عشان الشباب وفتنة الشباب

تالت علامة خطر كانت قدام كل شلة أولاد ولكن اللي بيدخن واللى يبص شلة السوء وصحة السوء

رابع علامة خطر كانت محطوطه في وش كل واحد منكم انت وانت وانتم خارجين من الجامعة عشان عدم الدعوة إلى الله انت خارج رايح فين انت؟! سايب الدنيا تولع جوه وانت خارج بره! رايح فين؟ ادعوا إلى الله

ما تخرجش من الجامعة غير لما تكون كلمت اتنين تلاته ، ووزعت كتيبين تلاته ، ووزعت شريط شريطين ، ما انتم عندكم شرايط أغاني قديمة بخلايين بها وعينها لسه؟! سجلوا عليها شرايط وطلعوها ، طلّعوا لده وطلعوا لده

وسجلوا الشرايط اللي أثرت فيكم ، وطلعوها للناس يسمعوها ويستفيدوا بها وتكون وزعتك سبع تمن مطويات وتكون كلمتلك اتنين تلاته واتفقت معهم على ميعاد ، خليك كدة اعمل حاجة لدينك ،

خامس حاجة قلناها المرة اللي فاتت خلى لك هدف السنة دي اعمل لنفسك هدف من أول السنة

### هدفك إيه ؟

أنا السنة ديه هدفى يلتزم على إيدى ١٠٠ واحد ، أنا السنة دي هدفى أطلب علم وأبقى فقيه ، أنا السنة دي هدفى أدخل معهد اعداد الدعاة ، أنا بذكر الأخوات بالذات لأن هما اللي مشهورات في الحاجات دي بالذات ، معهد اعداد الدعاة يا جماعة بيتقدم له دلوقتى في الجمعية الشرعية وفي الطميهي وفي أنصار السنة ، يجروا يقدموا ، والشباب يجروا يقدموا في معهد اعداد الدعاة إيه المشكلة!؟

### توصيات للجامعة

فبفكركم يا جماعة بالتوصيات بتاعة الجامعة ، بفكرك إنك ما تترلش الجامعة غير **بمصحفك** ، بفكرك إنك ما تترلش الجامعة غير وانت **مصلى** قبل ما تترل ، وقارئ صفحتين **قراءان** ، وداخل **ذاكر** الله بفكرك ، إنك وانت نازل الجامعة يكون معاك **حاجات تدعوا بها صحابك إلى الله** ، بفكرك إنك انت بعد ما تروح من الجامعة لك ورد مذاكرة وباقي اليوم بتاعك كله تشوف درس ، أوعى تسبب أنشطة الإيمان ، أوعى تسبب الدروس ... أوعى مهما كان ، جهد الآخرة لا يتوقف أبدا ياذن الله سبحانه وتعالى

اللهم اهدنا وارضا عنا ، اللهم تقبل منا أعمالنا ، اللهم اجعل رضاك منتهى آمالنا ، اللهم اجعل حبك منتهى آمالنا اللهم اجعل طاعتك أغلى آمانينا يا رب العالمين ، اللهم لا تجعل في قلوبنا **إلآك** ، اللهم لا تجعل في قلوبنا **إلآك** ، اللهم لا تجعل همنا إلا رضاك ، اللهم لا تجعل رغبتنا إلا إليك ، اللهم لا تجعل توكلنا إلا عليك ، اللهم أخلص قلوبنا لك ، وأخلص أوقاتنا لك ، وأخلص حياتنا لك ، وأخلص شهودنا لك يا رب ، اجعلنا مخلصين لك ، مسلمين لك ، سلماً لك

اللهم أحينا على طاعتك ، اللهم أمتنا على طاعتك ، اللهم اجتئنا ، اللهم ارفعنا ، اللهم سددنا ، اللهم وفقنا ،  
اللهم استعملنا لنصرة دينك في الأرض ، اللهم تب علينا توبة نصوحا ، تب علينا توبة ترضى بها عنا ، تب علينا  
توبة ترضيك يا رب العالمين

اغفر لنا ذنوبنا كلها كبيرها وصغيرها ، أولها وآخرها ، صغيرها وعظيمها ، قديمها وحديثها ، اغفر لنا ذنوبنا كله ،  
اغفر لنا ما قدمنا وما آخرا ، وما أسرنا وما أعلننا ، وما أسرنا وما أسرنا ، وما أعلننا ، وما أنت  
أعلم به منا أنت المقدم وأنت المؤخر وأنت على كل شيء قدير

اللهم إنا نسألك يا ناسألك أنت الله الذي لا إله إلا هو الأحد الصمد الذي لم يلد ولم يولد ولم يكن له كفواً  
أحد أن تغفر لنا ذنوبنا كلها إنك أنت الغفور الرحيم ، أنت على كل شيء قدير ، إنه لا يغفر الذنوب إلا أنت  
اللهم بلغنا رمضان ، بلغنا رمضان ، بلغنا رمضان ، وأعنا فيه على ذكرك وشكرك وحسن عبادتك  
بلغنا رمضان واجعله فتحنا علينا في إيماننا ، وفتحنا علينا في قلوبنا

يا واصل المنقطعين أوصلنا إليك في رمضان ، أنزل على قلوبنا الإيمان في رمضان ، بلغنا ليلة القدر ، لا تحرمنا من  
ليلة القدر ، لا تحرمنا من خير ما عندك بسوء ما عندنا ، يا رب لا تحرمنا من طاعة رمضان بذنوبنا ، لا تغلق قلوبنا  
عن طاعتك بذنوبنا

لا تردنا على أعقابنا خائبين ، لا تردنا على أعقابنا منتكسين ، نعوذ بك أن تخرج أحد منا من مسجدنا هذا في ليلتنا  
هذه إلا وقد غفرت لنا ذنوبنا ، إلا وقد غفرت لنا ذنوبنا ، وبيض لنا وجوهنا ، وطهرت لنا صحائفنا ، وأنرت لنا  
قلوبنا ، وثبت لنا قلوبنا ، وكتب لنا أن أسعد أيامنا يوم لقائك يا رب العالمين

اللهم يا الله يا الله من لم تجره فهو كسير ، ومن لم تغنيه فهو فقير ، اللهم قوى في رضاك ضعفنا ، اللهم قوى  
في رضاك ضعفنا ، اللهم مكن لنا في أنفسنا ، مكن لنا في قلوبنا ، أعنا على أنفسنا ، إن نفوسنا قد استأسدت علينا  
يا الله إن أمراضنا قد زادت يا الله ، يا الله فسدت القلوب وخربت النفوس وتحكمت الشهوات وسادت الفتن يا الله  
وليس لنا منجا سواك ، وليس لنا ملجئ سواك ، وليس لنا إلاك يا الله ، اللهم فتوب علينا ، وأصلح لنا قلوبنا  
وأكتب لنا الثبات على دينك حتى نلقاك

سبحانك اللهم وبحمدك ، أشهد أن لا إله إلا أنت ، أستغفرك وأتوب إليك

تم بحمد الله

شاهدوا الدرس للنشر على النت في قسم تفرغ الدروس تفضلوا هنا :

<http://www.way2allah.com/forums/forumdisplay.php?s=d5fa851b936c6742ef5d2ac53524ee58&f=36>